



তথ্যবিবরণী

নম্বর-০১৬

পবিত্র আশুরা উপলক্ষে আরএমপি'র নিষেধাজ্ঞা

রাজশাহী; ৩১ আষাঢ় (১৫ জুলাই):

আগামী ১৭ জুলাই ২০২৪ (১০ মহররম) বুধবার পবিত্র আশুরা উদযাপন উপলক্ষে রাজশাহী মেট্রোপলিটন এলাকায় আরএমপি'র পক্ষ থেকে কিছু নিষেধাজ্ঞা আরোপ করা হয়েছে। ঐদিন মহানগরের বিভিন্ন স্থানে ধর্মীয় সমাবেশ/তাজিয়া মিছিল নির্বিঘ্নে চলা নিশ্চিত করতে এ নিষেধাজ্ঞা আরোপ করা হয়।

আজ (১৫ জুলাই) আরএমপি'র কমিশনার স্বাক্ষরিত এক বিজ্ঞপ্তিতে বলা হয়, পবিত্র আশুরা উপলক্ষে রাজশাহী মহানগর এলাকার শান্তি-শৃঙ্খলা রক্ষা করার নিমিত্ত রাজশাহী মেট্রোপলিটন পুলিশ আইন-১৯৯২ এর ২৬ (ঢ), (ট)(ই), এবং ২৯(১)(ক) ও (খ) ধারায় অর্পিত ক্ষমতাবলে আগামী ১৭ জুলাই রাজশাহী মহানগর এলাকায় আতশবাজি, পটকা ফুটানোসহ অন্যান্য ক্ষতিকারক দ্রব্য ব্যবহার, হিংসাত্মকভাবে আঘাত করার উদ্দেশ্যে অস্ত্রশস্ত্র, তলোয়ার, বর্শা, বন্দুক, ছোরা বা লাঠি ও বিস্ফোরক দ্রব্য ও অন্য কোনো ক্ষতিকর দ্রব্যাদি বহন এবং তাজিয়া ও শোক মিছিলে দা, চাকু, কাঁচি, বল্লম, তরবারি ইত্যাদি ধারালো/আক্রমণের উপযোগী বস্তুর, ব্যাগ, পোটলা, ধাতব বস্তু বহনসহ 'পাইক' মিছিল সম্পূর্ণভাবে নিষিদ্ধ ঘোষণা করা হয়েছে। তাছাড়া গণ উপদ্রব সৃষ্টি করতে পারে এমন অতি উচ্চ শব্দজনিত মাইক/স্পীকার ব্যবহার নিষিদ্ধ ঘোষণা করা হয়েছে।

উক্ত বিজ্ঞপ্তিতে আরও জানানো হয় যে, নিষেধাজ্ঞা অমান্যকারীদের বিরুদ্ধে যথাযথ আইনানুগ ব্যবস্থা গ্রহণ করা হবে।

.....
তৌহিদ/হালিম/২০২৪/২০:০০ ঘ.